

重修兩淮鹽法志

兩淮鹽法志卷二十八

場竈門

盤鍬

上

漢制煮鹽官給牢盆此盤鍬之所昉明初造作盤鐵鍋
鍬皆以運庫官帑爲之盤者合數角爲一給各場竈戶
團煎非一竈一丁之所有也其器厚而堅重輒數千斤
鍋鍬差小而薄每戶一口鏽蝕則重給之蓋使煎辦官
鹽儲倉以待商支自萬厯四十五年鹽引改徵折價鹽
不復入官倉皆商自行買補於是團煎之制遂廢而盤
鐵鍋鍬亦不復官鑄盤鐵工大費重不能添設惟鍋鍬

則眾商出資鼓鑄然亦必請於官然後造作以應竈用其鐵鉈銅桶舊制每場各一歲久或經潮汐漸至湮沒而盤鐵之制所存無多今通用者鍋鏊而已志盤鏊

雍正六年十一月江南巡察御史戴音保條奏從來場竈燒鹽之具深者爲盤淺者爲鏊設有定數無許過額而煎燒鹽斤以一晝夜爲火伏竈戶臨煎向本商領取旗號火舉則揚火息則偃垂爲定例又有往來巡查之人用防息火之後私煎近竈戶每多私置盤鏊而火伏又不稽查是以任意煎煮每多溢出之數請飭鹽法官將在場盤鏊徹底清查再嚴火伏之法如有額外自置盤

鑊於火伏之外私行煎煮者卽科以販私之罪部覆應如所奏行令兩淮巡鹽御史將盤鑊遵照定數逐一清查造冊送部

乾隆八年七月鹽運使朱續暉以各場貧竈無力置鍋鑊者詳請借動商捐銀一千一百六十兩鑄鑊百副每口重一百四十斤計價五兩八錢發泰屬六十副內富安八副安豐十二副梁埭二副東臺八副何埭八副丁谿三副草堰二副小海一副劉莊三副伍祐八副新興三副廟灣二副通屬四十副內豐利九副掘港九副金沙三副角斜十三副耕茶六副俟煎出鹽斤每桶於鹽價

內扣銀五分存場彙解歸款需接領者再請續發

乾隆十年十二月鹽政吉慶奏明添鑄盤角一摺言臣前因兩淮所產之鹽僅敷年額並無積餘足備緩急是以籌議倣開池哇添鑄盤角當將試辦情形奏明今據運使朱續暉詳稱先就伍祐一場倣開池哇二十面雖能曬埽無異但地脈生疏產鹽不多據土人言必俟培植三五年後方能獲收利益又添鑄盤角二十七副較之倣煎費省產多甚爲便利已將開鑄各池哇盤角分給與願領之商竈管業嗣後或開池哇或鑄盤角聽商竈量力興舉報官察核以廣鹽產臣伏思試開池哇旣因

地脈生疏未能廣收利益其願開與否應聽擇便而行
至若添鑄盤角爲費旣省獲利又多見有成效人各樂
從自應多爲添鑄兩淮煎鍬向係商人呈明開鑄分賣
與竈茲添鑄盤角應無論商竈如有情願備資自鑄者
許其循照往例呈明官爲稽察見飭核定章程明白曉
示

謹按所鑄盤角二十七副發泰屬梁埭十三副伍祐
八副富安一副安豐一副東臺二副何埭一副劉莊
一副

乾隆十六年九月京口副都統管理兩淮鹽政吉慶以各

場煎鹽鑲口多有破損貧竈無力置買致使失業行司
動項鑄鑲給煎當經運使吳嗣爵詳請委員開鑄於運
庫雜項內借給銀兩鑄鑲六千口每口計成本庫平銀
三兩九錢七分一釐三毫一絲四忽委員領赴各場協
同分司場員親詣查散計發通屬一千二百口內豐利
場六十二口掘港場一百三十五口石港場六十七口
金沙場八十八口呂四場一百七口餘東場四十一口
餘西場四十五口柟茶場四百三十七口角斜場二百
十八口泰屬四千八百口內富安場三百五十三口安
豐場二千二百二十八口梁垛場四十四口何垛場四

百九口東臺場三百九十九口丁溪場一百七十二口
小海場十九口草堰場二十八口劉莊場七十五口伍
祐場四百三十八口新興場五百二十四口廟灣場一
百十一口照乾隆八年之例令各場員照依鼓鑄成本
俟煎出鹽斤每桶扣銀五分由各場彙解歸款

乾隆四十三年六月鹽政伊齡阿條奏向來各場竈盤鏹
原有定數設遇增減必須冊報見在委員赴場抽查如
有私增盤鏹與冊不符卽眼同棄毀並將竈戶場官分
別究治經戶部覆准照行旋據各委員分晰確查由運
使朱孝純具詳凡鏹用久卽多破損盛滿不能滿足例

准輕減額馬查鍤止些微殘缺及裂縫無多者原可隨時修補仍屬完整毋庸報廢外如損傷過甚難於修理卽或略有可用亦盛湔無多若聽其折減額馬不換新鍤旣於定額有虧且恐影射滋弊應請飭令凡有破鍤隨時赴場呈繳該場員卽轉解分司彙解運司衙門驗擊變價將價發交場員轉給竈戶收領一面先令竈戶買補供煎仍令分司加意查察如竈戶不將破鍤隨時繳場場員漫無覺察以致額馬有缺及場書頭長串通扶捏藉端需索等弊該分司卽行詳揭參究分司庇縱運司立卽揭參再查竈戶煎鹽定有額數自應一竈兩

鋤難任缺乏如有單鋤之竈卽令買補如額一以暖瀘
一以煎鹽如果窮竈無力准其詳明在於鋤商處借給
其鋤價於庫儲閒款內動支責成場員按桶扣收統限
一年解繳還款如逾限不完著落場員賠解至商竈買
鋤務將應買數日報明場員該場員給與印照令其齎
赴鋤廠收買將照卽交鋤商季終彙繳本司存查該場
員於季報冊內入於新收項下如無印照鋤商不得私
賣儻有無照私賣察出鋤商竈戶分別治罪經鹽政批
應將查過損壞缺少之鋤飭令各場員卽日墊價買補
配合供前仍通行編號於盤鋤邊上用硃漆填寫開列

清冊報明存案嗣後有短缺更換之處按號報查庶無
隱混

乾隆四十五年八月運使倉聖裔詳各場竈戶破鏹向係
由場解場驗擊程途遙遠而守候變價轉給又需時日
竈情未免拮据應請飭行通泰兩分司轉飭各場嗣後
凡有鏹口不堪煎燒者責令頭長同該竈戶將破鏹呈
繳場員衙門驗明原編號數卽刻眼同擊碎仍令竈戶
領回自行變價一面押令買補將驗擊某號鏹口隨時
摺報該分司按季造冊核轉儻竈戶頭長扶同串捏竟
不將破鏹赴場報驗或該場員偷安玩視不親自驗擊

以致隱匿私煎透漏一經察出立即據實揭報請參經
鹽政伊齡阿批允照行

嘉慶三年二月江甯布政使孫曰秉蘇州布政使陳奉茲
江蘇按察使通恩兩淮鹽運使曾煥會詳江蘇各屬均
不產鐵如有大鋪客商赴產地採買由江海轉運者呈
明地方官給照採買運回繳銷如無印照不准採買如
照外多買及運回不將印照繳銷即行查究至兩淮通
泰各場竈需用煎鹽鐵口向係飭場查明該年需鐵數
目呈報運司轉詳鹽院批准給諭鐵商採辦並請嗣後
凡遇鼓鑄之時需用鐵斤鐵商開明數目稟由運司衙

門填給印照該商持赴楚省產鐵地方呈投該地方官
驗明掛號照數購買運回將照繳銷仍飭該地方官將
該商赴買及買竣運回緣由隨時報明運司查考經兩
江總督江蘇巡撫批如所議行

嘉慶七年六月運使曾燠詳各場鏤口向於邊上編號用
硃漆填寫開冊報明存案惟思硃漆填寫易於摹倣且
恐日久脫落模糊私鏤仍可隱混請於鏤口上鑄成某
年通字第幾號某年泰字第幾號並發運司花押飭商
鑄於號數之下以杜隱混經督撫鹽政批允照行

通州分司所屬盤鏤額數

豐利場原額盤鐵五十七角後存四角原額鍋鏝二百二十八口後增至二百七十五口額置鐵鉈一箇銅桶一箇

重二百五十斤容一石三斗二升各場同

謹按諸場量鹽之具前明洪武以來皆以篾籬宏治十三年改用木桶後因滋弊萬厯四十三年御史謝正蒙範銅以爲式場各一張今則均用木桶乾隆二十三年經鹽政高恆較准每桶二百斤兩桶配一引著爲定制

掘港場原額盤鐵二百八十九副後存一百四十六角原額鍋鏝六百六十八口後增至三千六百八十八口

額置銅桶一箇鐵鉈一箇

石港場 馬塘場併入 原額盤鐵無後置一角舊置鍋鏟

四十七副後存四十六口額置銅桶二箇鐵鉈二箇

謹按本場廢煎日久雍正十年大使王之正詳請復煎置鏟五副乾隆六年大使胡作肅增置凡稱副者每副二口

金沙場 西亭場併入 原額盤鐵共八十角後存五十一

角原額鍋鏟共三百四十一口後存二百二口額置銅桶二箇鐵鉈二箇

呂四場原額盤鐵無存原額鍋鏟五百十口後增至一

千五百八十四口額置銅桶一箇鐵鉞一箇

餘西場

餘中場併入

原額盤鐵無存原額鍋鏹四十八

口後增至九十四口額置銅桶二箇鐵鉞二箇

謹按本場鍋鏹久廢無存乾隆五年大使王煥章請

復辦煎商人始行買補

餘東場原額盤鐵四副後存三角原額鍋鏹一百二十

一口後增至九百四十二口額置銅桶鐵鉞無存

角斜場原額盤鐵無存原額鍋鏹一千二百七十二口

後存一千一百五十三口額置銅桶鐵鉞無存

枰茶場原額盤鐵七角後存一角原額鍋鏹一千八百

七十八口後存一千四百六十口額置銅桶一箇鐵鉈一箇無存

泰州分司所屬盤鏹額數

富安場原額盤鐵一副後存一角原額鍋鏹一千九百二十八口後存八百八十二口額置銅桶一箇鐵鉈一箇

安豐場原額盤鐵二十六角續置一副後存一角原額鍋鏹三千八百五十八口後存三千三百八十六口額置銅桶鐵鉈無存

梁垛場原額盤鐵五百四十三角後存二百九十四角

原額鍋鏟一百六十九口後存一百四十九口額置銅桶鐵鉈無存

東臺場原額盤鐵七十四副後存三十四角原額鍋鏟八百四副後存七百八十五口額置銅桶一箇鐵鉈一箇

何埭場原額盤鐵一副今無存原額鍋鏟二千五百九十四口後存一千八百四口額置銅桶一箇鐵鉈一箇

丁谿場

小海場併入

原額盤鐵無存原額鍋鏟共八百

六十口後增至一千四百四十三口額置銅桶一箇鐵

鉈一箇

草堰場

白駒場併入

原額盤鐵無存後置五角原額鍋

鏝二百三十二口後增至一千三百九十一口額置銅

桶二箇鐵鉈二箇

劉莊場原額盤鐵六十九副後存四十九角原額鍋鏝一百六十二副後存一百三十七口額置銅桶一箇鐵鉈一箇

伍祐場原額盤鐵無存原額鍋鏝二千六百二十八口後增至三千一百八十七口額置銅桶一箇鐵鉈一箇無存

新興場原額盤鐵無存原額鍋鏝一千八百四十四口

後增至一平八百九十六口

本場竈不諳煎諸商置鐵募丁煎辦增減不一額

置銅桶一箇鐵鉈一箇

廟灣場

天賜場併入

原額鍋鏝二百三十一口後存一

百六十四口

本場竈不諳煎諸商置鐵募丁與新興同

額置銅桶一箇無存

鐵鉈一箇

海州分司

板浦場

徐瀆場併入

額置銅桶二箇鐵鉈一箇額置鐵

杖桿一條無存續用木杖

中正場

莞瀆場併入

竈具無

臨興場

臨洪興莊二場合而爲一

額置銅桶鐵鉈無存

謹按以上係嘉慶舊志所載歷今八十餘年中經兵亂舊額竈具十不存一至咸豐八年鹽政何桂清飭運司聯英清理盤鏹一次同治五年署鹽政李鴻章飭運司丁日昌加增額鹽一次試辦諸多窒礙光緒五年鹽政沈葆楨飭運司歐陽正鏞酌減鹽額一次均以試辦殊無把握未敢定案其通泰海三屬場分產鹽缺溢分數及各官考核要以光緒十七年題本爲定姑列試辦各案數目以見各官經營之苦心若欲規復原額必俟引地全復乃可酌議耳

嘉慶十七年戶部議覆兩淮鹽政阿克當阿呈稱餘東場

原額煎鹽鐮九百四十二口煎鹽盤三角每年額應產鹽三萬三千六百三十七引五分今據該場添置煎鹽鐮八十二口每年應增額產鹽二千五百八十三引計每年共應額產鹽三萬六千二百二十引五分等因查餘東場添置煎鹽鐮八十二口每年應增額鹽二千五百八十三引該鹽政既稱應增入額應令卽於開煎之日起按額煎辦入於考成期滿案內造報查覈

嘉慶二十年戶部議覆兩淮鹽政阿克當阿呈稱草堰場原額煎鹽鐮一千三百九十一口煎鹽盤五角嘉慶十四年添鐮十四口十六年添鐮十二口十八年添鐮二

下海鹽志卷二
二十九口共計煎鹽鑊一千四百四十六口煎鹽盤五角
每年原定額產並應增額鹽共計九萬三千二百三十
七引六分今該場添置煎鑊六口每年應增額鹽三百
八十一引六分每年共應額產鹽九萬三千六百十九
引二分等情查草堰場添置鹽鑊六口每年應增入額
應令卽於開煎之日起按額煎辦入於考成期滿案內
造報查覈

咸豐八年正月鹽政何桂清奏鹽務以場竈爲根本計竈
定鑊按鑊煎鹽責成場員實力督煎年有定額缺產則
場員例有處分溢產亦給予議敘立法未始不爲周密

然法密則弊因之而生臣衙門文卷雖已失陷而詢訪
熟悉鹽務之人追溯往事凡遇缺產之年大都以水旱
不齊爲詞聲請免議鮮有照例議處者考核竟成虛設
督煎視若故事甚有虛報收鹽歸垣旋以風潮雨水漂
失淹消掩飾彌縫者厯任督臣運司非不實力整頓而
積重難返迄無成效淮南自遭兵燹以後運商星散場
商亦皆逃亡竈戶停煎亭荒鑊廢大局全隳前署運司
郭沛霖接任於警傳疊至之時權宜應變以免竈戶流
而爲匪不暇有所整頓見署運司聯英到任後督飭通
州泰州分司運判查明淮南二十場額設煎鑊二萬六

千一百六十九口所存不及十分之三飭將尙可修理者逐一修整實存煎鑊一萬一百十四口核計仍不及十分之四統查各垣堆鹽亦不核實見在淮南銷數已較前大有起色轉瞬金陵克復江路疏通不患銷數不暢轉恐無鹽細運亟宜鼓鑄鹽鑊開闢亭場以備淋煎無如鑊商既早逃亡鑄鑊之鐵炭又須湖廣所產方能合用急切無從購買惟有就見存鑊口實力督煎必當按鑊增鹽以資補苴但當此整頓之始似因實創若必拘泥成例照舊考核則以不足四分之鑊責煎十分之鹽雖追比嚴切法令亦有時而窮勢必因循粉飾徒有

整頓之名並無挽救之實合無仰懇

聖恩俯念淮南二十場亭鏹大半荒廢暫停場員督煎考核仍責成署運司聯英周歷各場將垣堆鹽數徹底查明核實確計督同各該分司嚴飭場員就見煎鏹口實力督煎按月勾稽儘產儘收以產鹽之盈絀定場員之勤惰儻有顆粒虛報或產鹽過少不敷應捆卽專案隨時嚴參則根本旣固積弊亦清各場員無可藉口末由趨避於場竈大有裨益一俟江路通行煎鏹補齊再令照額計產循例考核奉

硃批戶部議奏欽此戶部奏臣等伏查嘉慶九年臣部會議前

任兩淮鹽政佶山場員考核章程奏准通州泰州海州所屬二十三場產鹽以一年牽算如能溢額該場員卽予議敘儻有缺額卽予議處如遇水旱之年臨時聲請免議又道光十五年前任兩江總督咨明通州泰州所屬二十場產鹽考核請照見定額數一百六十六萬二千三百七十三引遇閏加增鹽十四萬一千三十三引歷年分別缺溢題報各在案今據該督何桂清以淮南二十場亭鏹大半荒廢奏請暫停場員督煎考核仍責成署運司聯英周歷各場將垣堆鹽數徹底查核督同各該分司嚴責場員就見存鏹口實力督煎按月旬稽

儘產儘收以產鹽之盈絀定場員之勤惰儻有顆粒虛報或產鹽過少不敷應捆專案隨時嚴參一俟江路通行煎繳補齊再照額計產考核等語臣等復查淮南各場煎繳原額二萬六千一百六十九口竈丁計繳煎鹽專責場員督辦督煎勤則溢額督煎惰則缺產每年核計溢缺分數照例題請議敘議處原以嚴考成而示勸懲無如場員仍巧爲規避上司又曲爲迴護往往溢產之場題請議敘而缺額有一二分至八九分者則託詞風潮水旱爲災聲請免議此在常年猶且隱混捏報矧自長江梗阻運銷疲滯各場員更得有所藉口意存掩

飾誘卸見據該督奏稱查明各場煎鐵僅存一萬一百十四口不及原額十分之四尙屬實在情形若令場員仍照原額十分之鹽一有短絀隨加譴責誠未平允惟因此遽停考核又恐場員恃無分數可稽因循怠玩弊端不可究詰自應揆時度勢分別辦理臣等公同商酌淮南場員考核自咸豐三年八月以後均未題報誠因連年風鶴頻警寧鐵未經清查所有自三年八月起至上年十二月止各該場員考核擬請寬其既往毋庸補報此後自本年正月爲始仍以一年計算卽照見在清查實存煎鐵一萬一百十四口核明某場應煎鹽若干

引將溢額缺額各職名於年終題報考核以循舊制如此按見存之煎鑊定督煎之考成各場員既無所藉口亦無所趨避於場務較昭核實仍令該督轉飭運司等認真稽查儻垣堆鹽數顆粒虛報或產鹽過少不敷應細卽將該場員專案嚴參見令淮南設局收稅較前已有起色將來江路通行銷數愈多煎鑊尙須添補並令該督轉飭實力籌辦將續增鑊口若干隨時咨報備核奉

旨依議欽此

咸豐八年四月署運司聯英稟查通泰兩屬二十場皆依

范隄而居南起呂四北訖廟灣袤長七百餘里以掘港
安豐伍祐爲最大柵茶角斜草堰新興次之呂四餘東
富安東臺何垛丁溪又次之豐利石港金沙餘西梁垛
劉莊廟灣爲最小署司按場確查見存煎盤七十四角
煎鏹一萬零十四口每年共應產鹽一百二十一萬七
千九百四十七桶經此次查實之後請照見存盤鏹核
計產鹽之盈虧運鹽之多寡察看場員之勤惰隨時去
留所有署司巡場已竣查明盤鏹火伏理合造冊呈核
通州分司所屬盤鏹實數

豐利場見存上滷鏹六十四口每口每伏煎鹽一桶下

滷鹺二十口每口每伏煎鹽三分每伏共應產鹽七十
桶每年例定一百口煎鹽應產鹽七十桶旺產每旬應
產鹽二百三十三桶三分三釐歉產每旬應產鹽一百
十六桶六分六釐每年正二十一十二四箇月爲歉產
三月至十月八箇月爲旺產各場皆同

掘港場見存上滷鹺三百十六口每口每伏煎鹽一桶
二分上中滷鹺二百口每口每伏煎鹽一桶一分中滷
鹺四百十二口每口每伏煎鹽一桶中下滷鹺二口每
口每伏煎鹽九分下滷鹺五百十口每口每伏煎鹽三
分每伏共應產鹽一千一百六十六桶每年例定一百

二十日煎鹽應產鹽十三萬九千九百二十桶旺產每
旬應產鹽四千六百六十四桶歉產每旬應產鹽二千
三百三十二桶

枰茶場見存上滷鏹二百七十七口每口每伏煎鹽一
桶二分中滷鏹三百七十三口每口每伏煎鹽一桶每
伏共應煎鹽七百五桶四分每年例定一百二十日煎
鹽應產鹽八萬四千六百四十八桶旺產每旬應產鹽
二千八百二十一桶六分歉產每旬應產鹽一千四百
十桶八分

角斜場見存上滷鏹一百八十口每口每伏煎鹽一桶

二分中涵繳一百五十三口每口每伏煎鹽一桶一分
下涵繳一百十二口每口每伏煎鹽一桶每伏共應煎
鹽四百九十六桶三分每年例定一百二十日煎鹽應
產鹽五萬九千五百五十六桶旺產每旬應產鹽一千
九百八十五桶二分歉產每旬應產鹽九百九十二桶
六分

石港場見存煎盤換繳二口每口每伏煎鹽一桶一分
五釐煎繳二十五口每口每伏煎鹽九分每伏共應煎
鹽二十四桶八分每年例定九十日煎鹽應產鹽二千
二百三十二桶旺產每旬應產鹽七十四桶四分歉產

每旬應產鹽三十七桶二分

金沙場見存上滷盤三角每角每伏煎鹽一桶二分中
滷盤三角每角每伏煎鹽一桶上滷鏹十口每口每伏
煎鹽一桶中滷鏹三十二口每口每伏煎鹽八分每伏
共應煎鹽四十二桶二分每年例定九十日煎鹽應產
鹽三千七百九十八桶旺產每旬應產鹽一百二十六
桶六分歉產每旬應產鹽六十三桶三分

餘西場見存煎鏹五十四口每口每伏煎鹽一桶每伏
總共應產鹽五十四桶每年例定九十日煎鹽應產鹽
四千八百六十桶旺產每旬應產鹽一百六十二桶歉

產每旬應產鹽八十一桶

餘東場見存上漚鍤二百八十口每口每伏煎鹽一桶
下漚鍤八十六口每口每伏煎鹽四分每伏共應煎鹽
三百十四桶四分每年例定九十日煎鹽應產鹽二萬
八千二百九十六桶旺產每旬應產鹽九百四十三桶
二分歉產每旬應產鹽四百七十一桶六分

呂四場見存上漚鍤四百二十七口每口每伏煎鹽一
桶下漚鍤三百三十二口每口每伏煎鹽四分每伏共
應煎鹽五百五十九桶八分每年例定九十日煎鹽應
產鹽五萬三百八十二桶旺產每旬應產鹽一千六百

七十九桶四分歉產每旬應產鹽八百三十九桶七分
泰州分司所屬盤繳實數

富安場見存煎繳二百九十四口每口每伏煎鹽一桶
一分每伏共應煎鹽三百二十三桶四分每年例定一
百二十日煎鹽應產鹽三萬八千八百八桶旺產每旬
應產鹽一千二百九十三桶六分歉產每旬應產鹽六
百四十六桶八分

安豐場見存煎繳一千二百六十四口每口每伏煎鹽
一桶一分每伏共應煎鹽一千三百九十桶四分每年
例定一百二十日煎鹽應產鹽十六萬六千八百四十

八桶旺產每旬應產鹽五千五百六十一桶六分歛產
每旬應產鹽二千七百八十桶八分

梁埭場見存煎盤十六角每角每伏煎鹽四桶煎鏹一
百四十九口每口每伏煎鹽一桶每伏共應產鹽二百
十三桶每年例定一百二十日煎鹽應產鹽二萬五千
五百六十桶旺產每旬應產鹽八百五十二桶歛產每
旬應產鹽四百二十六桶

東臺場見存煎盤五角每角每伏煎鹽四桶二分六釐
煎鏹二百八口每口每伏煎鹽一桶三分二釐五毫每
伏共應產鹽二百九十六桶九分每年例定一百二十

日前鹽應產鹽三萬五千六百二十八桶旺產每旬應產鹽一千一百八十七桶六分歉產每旬應產鹽五百九十三桶八分

何垛場見存煎鏹五百十八口每口每伏煎鹽一桶三分二釐五毫每伏共應產鹽六百八十六桶三分五釐每年例定一百二十日煎鹽應產鹽八萬二千三百六十二桶旺產每旬應產鹽二千七百四十五桶四分歉產每旬應產鹽一千三百七十二桶七分

丁谿場見存正場鏹二百六十五口每口每伏煎鹽一桶三分七釐五毫併場鏹四百五十四口每口每伏煎

劉莊場見存上鹵盤二十五角每角每伏煎鹽二桶二分中鹵盤四角每角每伏煎鹽一桶八分下鹵盤十八角每角每伏煎鹽一桶七分煎鹵四十八口每口每伏煎鹽一桶一分每伏共應產鹽一百四十五桶六分每年例定一百二十日煎鹽應產鹽一萬七千四百七十二桶旺產每旬應產鹽五百八十二桶四分歉產每旬應產鹽二百九十一桶二分

伍祐場見存煎鹵九百六十六口每口每伏煎鹽一桶一分每伏共應產鹽一千六十二桶六分每年例定一百二十日煎鹽應產鹽十二萬七千五百十二桶旺產

每旬應產鹽四千二百五十桶四分歟產每旬應產鹽二千一百二十五桶二分

新興場見存煎鏹一千七十四口每口每伏煎鹽一桶二釐五毫每伏共應產鹽一千一百桶八分五釐每年例定一百二十日煎鹽應產鹽十三萬二千一百二桶旺產每旬應產鹽四千四百三桶四分歟產每旬應產鹽二千二百一桶七分

廟灣場見存煎鏹一百十六口每口每伏煎鹽八分五釐每伏共應產鹽九十八桶六分每年例定九十日煎鹽應產鹽八千八百七十四桶旺產每旬應產鹽二百

九十五桶八分歉產每旬應產鹽一百四十七桶九分
通泰兩屬共存盤七十四角存鏹一萬十四口每年共
應產鹽一百二十一萬七千九百四十七桶

兩淮鹽法志卷二十八

兩淮鹽法志卷二十九

場竈門

盤繳下

同治五年二月二十二日署鹽政李鴻章奏兩淮鹽務疲
敝已久自上年十月運司丁日昌蒞任臣飭其悉心整
頓清釐煎繳以重產額革除黑費以恤商艱其售鹽總
滙之區設局督銷整輪保價責任尤重乃淮北正陽關
督銷委員候補運判韓茂萱承辦輪規未能畫一經丁
日昌密查確訪該運判竟敢於薪水之外私派局用取
諸商販雖據稟稱分給書役家丁其不知檢束已可概

見又通州分司所屬之角斜場大使奎書冊報煎鐵既有浮多且私增涵鍋四百十三口隱匿八年之久迨經飭查復敢捏詞掩飾居心實不可問其歷任該場大使章憲文馬書城呂承業陳皓等狃於積習久匿不報均屬有意含混通州分司鄭士彥有督煎之責此次雖據訪明具稟但從前未能查報究屬玩忽又餘東場大使李餘慶辦事顛預於竈戶聚眾阻撓清釐溝界重案並不認真查拏又泰州分司所屬廟灣場大使蔣紹鏞嗜好甚多廢弛場務又草堰場大使張恩澤庇商欺混新舊鐵數未曾分晰報明據兩淮鹽運使丁日昌稟揭前

來臣查兩淮銷路雖廣而產鹽甚缺恐誤岸銷此等庸劣不職之員若不分別參辦何以飭官方而肅鹺政相應請

旨將知府銜候補運判韓茂萱角斜場大使奎書餘東場大使李餘慶廟灣場大使蔣紹鏞草堰場大使張恩澤一併革職其通州分司鄭士彥前任角斜場大使章憲文陳皓候補運庫大使呂承業候補知事馬書城均請摘去頂戴以示懲儆奉

旨允行

恭載

上諭一道
制詔

同治七年十二月運司李元華詳查通屬石港金沙二場

查存滷鍋申鹽辦理無效前據通分司詳請擊毀免申
當查此項滷鍋飭令繳毀難保不復行私增批飭未准
茲據該分司詳據石港場大使沈有壬稟稱遵查各場
滷鍋前奉運憲丁飭令申鹽入額並奉詳明俟煎餼補
齊後一律弔繳擊毀免申飭知遵照今卑場煎鹽餼口
連年飭商添購共計見煎餼六十口每年產鹽四千九
百五桶較之原額三千九百三十三桶已加產鹽九百
七十餘桶各竈滷鍋似可照案繳毀卑職節次赴竈確
查整頓申鹽亦無成效隨卽稟請弔繳免申奉飭如一
律擊毀亦復旋毀旋添仰見杜絕私煎無微不至卑職

伏查此項涵鍋前奉查明確數由憲臺衙門給發印票稽查繳毀時票隨鍋繳嗣後各竈如有私置則無印票可憑不難隨時查察嚴辦且卑場地居腹裏涵氣歉薄鍋雖溫涵不能申鹽一火一伏核與繳額毫無加多設如不設該竈戶亦不肯違禁私增自干罪咎仰乞轉請照案擊毀免申並據金沙場大使常喜稟稱卑場地居腹裏涵氣不升爲通屬中極疲場分前奉議裁復奉稟留整頓無如招徠至今無商收買咸豐八年查存之繳久經廢損十分之五六若飭添買抽換竈力實有未能卽同治五年清查存繳陸續報廢停煎亦復不少正繳

報廢停煎鹵鍋實成虛設卑職伏思繳額有關部案何敢率請減折而鹵鍋申鹽係屬權宜試辦將來額產復原亦應遵飭擊毀免申卑場額產雖未增全繳廢竈艱鹵氣歉薄迥與他場情形不同且查淮屬之劉莊場係同時議裁之缺原定繳額上年已奉核減卑場事同一律可否轉詳將鹵鍋弔繳免申各等情卑職伏查石港場原額每年產鹽三千九百三十三桶咸豐八年減爲二千數百桶同治五年分已復足原額實因地居腹裏鹵氣歉薄鍋係溫鹵前後各大使力加整頓申鹽毫無成效若不照案擊毀徒增額數有名無實一經缺產轉

致有所藉口又金沙場本因滷氣日薄奉文裁併嗣又稟留該場辦理滷鍋申鹽亦無成效可否將石金二場滷鍋一律擊毀俾產數得以核實本司伏查該二場地居腹裏滷氣淡薄滷鍋申鹽並無成效似尙實情經鹽政馬新貽批飭弔驗銷毀

同治八年二月運司李元華詳據掘港場稟滷鍋一項前奉飭令申鹽入額曾奉詳明俟煎繳補齊後一律弔繳擊毀免申是滷鍋申鹽原係權宜試辦令卑場鍋繳業已造冊呈送本當督飭認真辦煎無如卑場滷氣歉薄較之他場爲最而且繳口原定額碼一桶二分亦較他

場爲重若再加滷鍋申鹽六分合計鉅額每伏必須一桶八分卑職每於赴竈稽煎時留心察看每鉅每伏所出額鹽尙難如原定之數以故滷鍋一項不但有名無實而且妨礙額鹽轉致頭長等心存畏蒞即使終日比煎終恐無效仰懇將卑場各竈滷鍋一律弔取擊毀免予申鹽俾產數得歸核實等情本司查此項滷鍋前飭申鹽入額本屬權宜試辦今據該場查明試辦實無成效似應照案擊毀免申以歸核實經鹽政馬新貽批飭弔驗銷毀

光緒四年十一月鹽運使歐陽正埔稟本司案查光緒二

年七月間奉憲臺札飭前司會同前儀棧龐道委員查
封存鐵並諭鐵商遵照停鑄一案嗣經派委查明鐵廠
實存新鐵數目稟奉憲批既據飭委姚令等赴廠查明
見存新鐵共計八百三十二口內七百四十二口業已
封儲其九十口既有場員印照買定應飭遵繳鐵贍方
准領回供煎札司遵照等因卽經轉行飭遵在案嗣據
草堰等場商陸續遵繳鐵贍請領新鐵均經隨時詳報
本司伏查自光緒二年五月停鑄七月封儲存鐵迄今
各場商先後呈繳鐵贍七百二十一箇請領新鐵煎煎
見查餘鐵僅有一百十一口所存無多誠恐來年春產

旺時各場買鐵較多深虞脫誤趁此冬令似宜開鑪飭
鑄擬請照案諭令鐵商購運鐵料鼓鑄惟前次鑄鐵未
經限定鑄期飭鑄若干鐵數似屬漫無稽考查前次
光緒二年正月二十日開鑪鑄鐵起至五月初九日因
天氣漸熱稟請停鑪過夏閱時一百零九日共鑄出官
鐵一千六百九十三口經各場陸續請領發換至今兩
年半有餘僅贖一百餘鐵統計合算照前飭鑄每月可
得六百餘鐵見在稟請開鑄擬自開鑪鑄鐵之日起限
以兩箇月停鑄飭令定鑄官鐵一千二百口爲度卽由
司飭委督鑄隨時驗明新鑄之鐵另行封儲如各場繳

臈請領俟將用贖之銀先發領完再行開用新銀如此
明定銀數鑄期當可稍示限制經鹽政沈葆楨批允
光緒五年閏三月運司歐陽正墉等詳上年九月二十日
奉憲臺札開照得岸與場相表裏恢復引地尤須清理
場竈淮南新章岸務具有條理而場垣當定章之始獲
利尤厚近來產浮於額以致鹽積如山成本占擱積成
坐困之勢亟須設法徐圖補救茲酌議章程四條札司
轉飭遵辦等因奉經札飭通泰分司督場逐條核實辦
理嗣據泰分司稟以涵氣不升之亭場貧竈往往私墾
成田動受胥役挾制今聞准其開墾無不欣然樂從惟

竈民開墾須開濬溝洫需用牛種人工添置器具等項
查竈民素鮮蓋藏窮乏者多未能一氣成熟須逐漸開
荒如以三年之後起租仍恐民力不足似宜寬以六年
之後再令按畝納租至私置亭竈多係貧苦竈丁緣以
爲生積習相沿視爲應得今聞次第減除不無存延宕
之意見以報廢改墾之亭竈卽以私亭涵厚之區補足
再定以十年之內不准移筦如此因勢利導庶期廢亭
多墾可以養活窮民私亭少煎亦可以疏銷官引謹議
章程六條稟請核示經本司批飭照議定限六箇月赴
場報廢通飭曉諭遵照一俟限滿卽將各場報廢酌留

亭竈及已墾未墾地畝分晰造冊呈候核詳並飭通分
司體察情形酌議稟復在案續據泰分司詳據劉莊梁
柴東臺三場大使先後具稟查明涵氣不升蓬池倒塌
亭竈遵章報廢請照咸豐八年定額減除產數歸草堰
安豐丁溪三場撥竈補額並據草堰丁溪二場大使稟
請酌留應毀私亭按繳計額撥補劉莊東臺二場額產
安豐場大使具稟查明並無私亭請將涵厚單繳亭竈
照雙繳計產撥補梁柴場額產各等情卑職伏查各該
場報廢酌留各竈於上年丈量堆鹽時赴竈抽查尙爲
核實惟各該場按繳火伏向有多寡之不同似應查照

各該場額碼計產分撥計考俾產鹽短絀場分得免顧
慮考成公事可期實在而涵豐產旺之場以酌留亭竈
及改照雙鑱撥補加額亦不致於短缺查劉莊場計廢
亭竈六十六副應減額八千七百十二桶歸草堰場補
收足額該草堰場將酌留煎竈六十九副應產額鹽八
千七百七十六桶以補劉莊額產又梁柴場計廢盤竈
九副鑱竈四十九副應減額鹽一萬二百桶歸安豐場
補收足數該安豐場將加鑱七十七口應產額鹽一萬
一百六十四桶以補梁柴額產又東臺場計廢亭竈六
十七副應減額鹽一萬六百五十三桶歸丁溪場補收

足額該丁溪場將酌留煎竈八十四副應產額鹽一萬
六百八十四桶八分以補東臺額產統計減額與加額
大致相仿除相抵之外計多鹽六十桶六分因係分別
各場額碼計產是以減額數目未能恰符加額之數相
應縷晰陳明請免置議所有廢亭鏹口概令呈繳其劉
莊等場報廢亭竈已飭委員會場概予犁毀放荒以免
私煎滋弊造具各該場廢留亭竈鏹口各數及商竈花
名地段清冊呈請核轉前來合將奉分司立限報廢章
程六條照錄轉詳

一明定期限由竈戶自行呈報也所有滷氣淡薄下亭

每年產鹽不及五六十桶者無論商亭竈亭均限出示
後六箇月內赴場報廢其已經開墾成田者既往免究
其尙未成田者於報廢後准將已墾未墾亭竈一律犁
毀涵池填平聽其開墾俟六年後察看能否一律墾成
熟田腴瘠如何再行分別等第起租已墾之地如六箇
月以內不自報明一經場委查出或被入告發卽將私
墾地畝入官又有涵氣並不甚薄之亭或經風潮損壞
催其修理置若罔聞平時顆粒不入官垣徒占草蕩射
利偶遇稽查不及暗中又煎鹽透私此等亭竈亦勒令
報廢

一應出示曉諭並令呈繳旗牌繳口也查廢亭草蕩有
久經私墾成熟者念係貧民概予免究恐鄉愚無知未
必盡信應由分司刊刻簡明告示分貼各竈並諭竈董
等切實宣布以免遷延其原發旗牌等件既經該竈報
廢自應一律繳回至煎鰲之殘壞者應卽呈繳鰲臍其
完整者則存儲場署

一新墾地畝宜編造魚鱗冊籍也此次報廢亭場以及
從前移筦之舊亭應令呈明地畝若干畝數由場署編
造詳細新墾冊籍開列某甲某竈某頭長名下見請報
廢荒竈若干副隨亭草蕩若干畝均須據實開明註明

新墾字樣庶與古熟徵冊有所區別以便稽核而杜混淆至各該詞訟有因侵占地畝及界址不清者均仍各歸各案不得牽涉

一廢亭竈欠宜分別新舊以清糾葛也查各亭竈欠場場皆有一經報廢欠卽虛懸故垣主樂於含混貽悞新商茲擬分別新舊如係咸豐三年兵燹以前之欠該商得過竈丁餘利亭旣報廢不准再行索還如係咸豐七年聯前運憲改定稅章以後之欠亭雖報廢應由場官查明該竈墾蕩共有若干畝數提出十分之三歸還商欠或地畝或田利各隨其便其七分留爲該丁耕種餬

口如本係舊欠過入新商名下者則不得以新欠論至於同治五年瓜棧缺鹽之際各該竈丁新借商本而置新淤上亭者則歸上亭主顧收鹽借欠而修理中亭者歸中亭主顧收鹽各歸各欠不得籠統牽算以免糾葛如此分別辦理則欠有歸期而商情允服下亭犁毀既盡使後來殷商不致再受疲商之累庶足取信而廣招徠

一追廢亭竈欠須查案據也查各亭竈欠如在事前稟報有案者場官代爲清理如並未稟報經場官查出私亭荒亭例應犁毀者不准索還竈欠以恤窮丁如有包

庇抗違不遵犁毀情事除將竈丁照私煎例科罪外並
將該商垣名革除以肅鹺政

一此次清查亭竈擬刊發簡明門牌隨時稽查也牌上
填明某場某竈第幾號竈長某人亭主某人煎丁某人
主顧某人亭幾面雙單鋤若干口將此九項註明牌內
隨時抽查卽難弊混上亭宜以雙鋤計額使無餘鹽透
私中亭宜以單鋤計額使其不至受累查無門牌之處
卽係私亭則影射之弊可絕此次定案後十年之內不
准再有移筭亭場名目以清弊源經鹽政沈葆楨批准
光緒五年十一月運司歐陽正埔申據署通州分司張元

愷稟稱本年餘呂眞梁產數經場員實心整頓餘東收數漸見起色呂四則應整飭之事不止一端同時並舉商力實有不逮自三月以來所有開溝拓池買灰各事宜及剔除垣中苛竈各弊均經場員督商次第經理漸著成效鹽數較上年略增而按繳核計所缺尙多推求其故實由補綴舊繳太多該場各竈繳口本年春閒經劉大使親自編查補綴壞繳應換者有二百數十口之多商人明知其故而憚於請換者一因自繳繳臍以至買繳回竈非兩三月不可停煎待繳轉覺空拋火伏一因應換之繳太多正在整理多端事事皆須籌添貲本

祇能陸續購買未能一氣統換日引月長總非講求多收之計卑職久擬稟請變通辦理前因繳廠繳已售竣是以未經具稟見聞繳廠又將鼓鑄似宜乘此繳多之時將呂四場應換之繳多爲購買擬請變通辦理由卑職派員赴場先行買繳一百口運至石港存於卑署一面飭場員弔取繳臍呈繳卑署換領新繳所繳繳臍由卑職彙解憲轅所有購繳錢文擬請在總局五成尖鹽鹽價項下暫行借撥錢一千八百千文由局解交卑職轉發委員赴場購買俟該商張恆泰赴局領價時每引由局扣錢六百文歸還借撥之款計訂買三千引所借

繳價一千八百千即可全數扣竣其餘應換之繳明年春間再行借款續辦如此量爲變通則領繳可速既無日久停煎之慮商力又可稍紓經鹽政沈葆楨批允

光緒十四年二月鹽政曾國荃批署運司田國俊稟查通泰場鹽見因產多銷少逐年積壓鹽堆如山本皆占攔無須再增新繳致場鹽愈積愈多仰卽飭商先行停鑄其已鑄就存廠截至見在止實存若干並卽飭查確數稟候核辦嗣經鹽運使福裕據繳商俞抱和等稟稱前因存廠之繳祇二十六口恐誤竈煎於十三年十一月

初九日開鑄經前憲委員赴廠監鑄至本年正月十九

日圓鑪計其鑄鐵二千四百三口已由監鑄何委員報明在案見除出售以及購定未發外仍存一千六百零二口伏思官鐵之設原以杜私煎之弊而近年產鹽加多有不盡出官鐵者查同治五年經前憲丁因鐵不敷詳請以各場煖滷鍋鑊減成申鹽奉前督鹽憲李批查煖滷鍋鑊易啟私煎私售之弊本應查明擊毀據詳目前鐵數不敷權爲申鹽歸公係專爲加增產數起見應准如詳辦理仍俟鐵口足額再行稟明銷毀等因迄今二十年來並未弔毀此鍋鑊之可以煎鹽也他如糖鐵更漫無稽考大半蘇常上海一帶冶坊私鑄糖鐵由江

南偷運潛入江北港口散漫各竈光緒五年上海桂康
治坊新鑄鹽鏹二百餘口公然登諸申報經商等稟請
嚴禁此私鏹之可以煎鹽也有此鍋鏹私鏹出鹽終難
減少至商等承鑄之鏹向來各場舊鏹成廢不堪煎燒
者商竈稟由場員驗明擊毀發給印照繳臍購換奉諭
發賣且每鏹每伏火僅成鹽一桶較之私鏹涵鍋確有
可考光緒十一年奉前署憲程諭飭停鑄一年而積引
並不見少是其明證見在官鏹滯銷成本已多占擱可
否邀恩通飭分司場員將涵鍋湯罐私鏹等件一律擊
禁以清其源至存廠之鏹如各場舊鏹破壞不能煎鹽

准其繳贍購換有一口舊贍始發一口新鑊不准另增以杜私煎至奉飭停鑄已於正月圓鑊不復再鑄復經鹽政批煖滷鍋鑊暫准申鹽本屬權宜之舉糖鑊尤滋私煎之弊自應一律銷毀查禁以清其源至存廠之鑊既據查有一千六百餘口以儘數售竣爲度

光緒十七年十一月鹽政劉坤一題爲查議具奏事竊查嘉慶九年部議兩淮通州泰州海州三分司屬二十三場產鹽定額以十分計算收鹽溢缺按年分別核議如各該場員等不能實力奉行以致缺額不及一分者罰俸六箇月一分以上者罰俸一年二分三分者降一級

留任四分五分者降一級調用六分以上者降二級調用七分者降三級調用七分以上者革職如場員實力奉行於正額之外溢額一分以上者紀錄一次二分以上者紀錄二次三分以上者紀錄三次四分以上者加一級五分以上者加二級遇有數多者以次遞加歷經循辦又咸豐八年清理場鹽亭繳請暫停場員督煎考核經部議令自咸豐八年正月爲始仍以一年計算卽照見在清查實存煎繳一萬一百十四口核明某場應煎鹽若干將缺額溢額各職名於年終題報考核以循舊制並將續增繳口若干隨時咨報備核等因卽經分

別轉飭嗣據廟灣場具報修復煎鑊八口伍祐場兩次具報修復煎鑊四百九十四口豐利場具報添購新鑊八十口涵鑊二十口均經分別核明鹽數彙造冊揭詳咨嗣於同治三年據運司詳淮南通泰各場咸豐十年分產鹽考核擬請免議等情當經前督臣曾國藩批飭淮南各場盤鑊自咸豐七年清查迄今又逾數載據稱舊鑊破損係屬實情卽淮北運道通塞靡常板浦曾經匪擾歷年兩淮各場產鹽缺額均尙有因循例具題事件前經奏明暫行展緩所有同治二年以前考核應一律免辦造報自同治三年正月初一日起淮南照咸豐

七年清查額產淮北仍照舊定額產嚴定考核又前奉部議同治六年產鹽考核內開兩淮產鹽額數例應以十分計算今溢額在十三四分及二十六分之多核與定例不符未便遽行議敘飭令另行核實分數報部再辦等因飭據運司轉飭通泰分司查議請嗣後各場如能督產溢額無論分數多寡總以十分爲率照章議敘其十分之外所溢之額概不並計詳咨戶部接准部覆業已據文移咨吏部查照所有兩淮各場產鹽前已報至光緒十五年終在案茲據兩淮鹽運使江人鏡詳通州泰州海州三分司所屬角斜等二十三場自光緒

十六年正月初一日起至十二月底止一年限滿該產
鹽一百一萬二千七百三十四引八分七釐五毫今實
產鹽一百二十八萬九千十六引九分九釐二毫內除
角斜枰茶石港餘東餘西丁溪草堰伍祐新興廟灣板
浦中正等場溢產鹽三十五萬六千一百十引四分三
釐二毫計缺產鹽七萬九千八百二十八引三分一釐
五毫所有缺產一分以上之豐利場經管正任大使陳
家惠缺產二分以上之豐利場接管代理大使候補知
事高崧缺產不及一分之豐利場接管正任大使陳家
惠缺產不及一分之掘港場經管正任大使誠存缺產

不及一分之捫港場接管署任大使候補大使瞿鴻勛
缺產不及一分之石港場經管署任大使候補大使丁
森榕缺產不及一分之石港場接管兼理大使餘西場
大使唐如崙缺產一分以上之金沙場經管正任大使
陳皓缺產三分以上之呂四場經管正任大使高雋元
缺產二分以上之富安場經管正任大使盧紹緒缺產
一分以上之安豐場經管正任大使談思忠缺產二分
以上之梁埭場經管正任大使周潤缺產二分以上之
東臺場經管正任大使魏裕光缺產一分以上之何埭
場經管正任大使劉昌猷缺產二分以上之劉莊場經

管正任大使溫聯恩缺產不及一分之廟灣場經管正
任大使趙方昀缺產不及一分之板浦場接管代理大
使候補經歷萬立鍾缺產一分以上之臨興場經管正
任大使沈福恒等均難辭咎又盜額各官除不及一分
及非一年一官毋庸開列外所有盜產二分以上之角
斜場經管正任大使劉學鏐盜產二分之柟茶場經管
正任大使趙慶濂盜產六分以上之餘西場經管正任
大使唐如尚盜產十四分以上之草堰場經管正任大
使王瑋盜產六分以上之伍祐場經管正任大使顧懋
烈盜產一分以上之新興場經管正任大使瞿世璟盜

產七分以上之中正場經管正任大使陳汝芬相應開具缺溢分數冊揭詳請核題其揭內開報角斜場經管正任大使劉學鏐等係屬一年一官溢額應予議敘其餘溢額各員或不及一分及非一年一官應毋庸議此次冊揭均於限內造報並未逾限等情到臣據此臣覆核無異除冊揭咨送吏部戶部都察院外理合恭疏具題伏乞

皇上聖鑒敕部查核施行

謹按自咸豐八年清查盤鏹計實存煎鏹一萬一百十四口又豐利場續增一百口伍祐場續增四百九

十四口廟灣場續增八口共計一萬七百十六口經
先後報部近年產鹽考核均係照此科算

兩淮鹽法志卷二十九